



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj: 13-02/1-05-15502-46/19
Sarajevo, 24.05.2019. godine

SKUPŠTINA KANTONA SARAJEVO
Služba za skupštinske poslove

- O v d j e -

KANTON SARAJEVO
Stručna služba Vlade
N/r Sekretara

- O v d j e -

Zastupnica Bilsena Šahman je na 7. Radnoj sjednici Skupštine Kantona Sarajevo, održanoj dana, 17.04.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula zastupničku inicijativu prema Ministarstvu za rad, socijalnu politiku, raseljena lica i izbjeglice Kantona Sarajevo kako slijedi:

“Svakodnevno smo svjedoci vrlo mučnih scena kako naši građani koji su u stanju socijalne potrebe rove po kontejnerima da bi preživjeli. To navodi na razmišljanje na koji način ublažiti probleme siromašnih građana koji nisu u mogućnosti da obezbijede sebi i svojim porodicama egzistenciju. U nizu opcija i razmišljanja čini mi se kao svrsishodna ideja da javne ustanove, prije svega, pa čak i privatni restorani umjesto da bacaju hranu, zašto ne bi ponudili na raspolaganje tim ugroženim članovima našeg društva.

Mislim da bi ova ideja imala smisla ukoliko bi bila iskoordinirana na adekvatan način i sa jasnim ciljevima, naprimjer sa nevladinim organizacijama, da i sami korisnici mogu doći po svoj obrok. Zato ovu inicijativu upućujem prevashodno Ministarstvu za rad, socijalnu politiku, raseljena lica i izbjeglice KS ali i Vladi Kantona Sarajevo na razmatranje”.

ODGOVOR:

U vezi sa predloženim u navedenoj zastupničkoj inicijativi, ističemo da u Kantonu Sarajevo u sistemu socijalne zaštite građani u stanju socijalne potrebe ostvaruju brojna prava i usluge koja im



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



se obezbjeđuju u skladu sa propisanom nadležnosti i budžetskim sredstvima na poziciji Ministarstva za rad, socijalnu politiku, raseljena lica i izbjeglice Kantona Sarajevo, te između ostalog i pravo na topli obrok u javnim kuhinjama Kantona Sarajevo. Ipak, u potpunosti podržavamo i pozdravljamo Vašu inicijativu, te ćemo je imati na umu pri razvoju budućih socijalnih usluga i programa.

Trenutno pravo na topli obrok u javnim kuhinjama Kantona Sarajevo ostvaruju korisnici u skladu sa podzakonskim aktima koji regulišu ovo pitanje, a prvostepeni upravni postupak za ostvarivanje ovog prava provode nadležne službe socijalne zaštite. Korisnici koji ostvare ovo pravo, svoj topli obrok za radne dane, te suhi obrok za dane vikenda preuzimaju u šest javnih kuhinja koje funkcionišu u Kantonu Sarajevo (Centralna javna kuhinja - Crveni križ Kantona Sarajevo, Javna kuhinja "Merhamet", Pučka kuhinja "Kruh svetog Ante", Narodna kuhinja "Stari Grad" Sarajevo, Pučka kuhinja "Jelo na kotačima" - Caritas Vrhbosanske Nadbiskupije i Javna kuhinja "Dobrotvor") odnosno punktovima (ukupno 27 punktova) koji djeluju u okviru navedenih javnih kuhinja.

Prehrambeni artikli za pripremanje toplih obroka utvrđuju se prema broju korisnika u skladu sa normativom kojim je propisana količina namirnica potrebnih za spravljanje toplog obroka, a isti se obezbjeđuju uz saglasnost Ministarstva, putem Direkcije za robne rezerve Kantona Sarajevo, javnih kuhinja i postupka javnih nabavki roba za koje se opredijeli Ministarstvo. Za korisnike se pored toplog obroka obezbjeđuje i hljeb u količini od 350 grama po korisniku, a koji se nabavlja po provedenom postupku za izbor najpovoljnijeg ponuđača za dodjelu ugovora za isporuku hljeba. Rad javnih kuhinja se sufinansira/finansira iz Budžeta, sa pozicije Ministarstva, u skladu sa podzakonskim aktima koji uređuju ovo pitanje, a što podrazumijeva troškove vezane za plaće i naknade zaposlenih u javnim kuhinjama, materijalne troškove u kuhinjama vezane za pripremu toplog obroka po korisniku, kao i materijalne troškove vezane za rad punktova i kuhinja u kojima se pripremaju topli obroci. U 2018. godini u Kantonu Sarajevo prosječno mjesečno je pravo na topli obrok ostvarilo 3.359 korisnika, dok su za namirnice, hljeb i materijalne troškove sa pozicije Ministarstva u 2018. godini utrošena sredstva u iznosu od 1.777.033,94KM.

Iz svega navedenog, vidljivo je da Ministarstvo u okviru svoje nadležnosti za korisnike u stanju socijalne potrebe kontinuirano osigurava tople obroke na naprijed navedeni način. Međutim, spremni smo biti dio svih napora koji će povećati iskorištenost hrane i pomoći da stavimo dodatni obrok na trpeze onih koji imaju najmanje.

Imajući u vidu činjenicu da su korisnici prava i usluga iz nadležnosti ovoga ministarstva najosjetljivije kategorije našega društva, Ministarstvo je uvijek spremno, da u okviru svoje nadležnosti učestvuje u realizaciji zajedničkih multiresornih mjera i aktivnosti koje će dovesti do poboljšanja njihovog položaja.

S poštovanjem,

Pripremila: Smaragda Lučkin, stručni savjetnik
Kontrolisale: Slavica Gorančić, pomoćnik ministri

Dostavljeno:

1. Naslovu x2,
2. ministru,
3. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1

